



BOSNIA AND HERZEGOVINA
FEDERATION OF BOSNIA AND HERZEGOVINA
JUDICIAL POLICE

Broj: Sp-01-3310-23/22
Sarajevo, 16.02.2023. godine

Na osnovu člana 11. tačka f) Zakona o sudskoj policiji u Federaciji Bosne i Hercegovine („Službene novine Federacije BiH“, broj 77/20), člana 64. stav (1) tačka a) i člana 70. stav (1) i (3) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22), te člana 28. Pravilnika o nabavci roba, vršenju usluga i ustupanju radova Sudske policije u Federaciji Bosne i Hercegovine, broj Su-Sp-13-1/21 od 03.02.2021. godine, a u vezi sa Odlukom o pokretanju postupka javne nabavke, broj Sp-01-01/1-3310/22 od 21.12.2022. godine, direktor Sudske policije u Federaciji Bosne i Hercegovine, donosi

ODLUKU
o izboru najpovoljnijeg ponuđača

I

Postupak nabavke telekomunikacijskih usluga za potrebe Sudske policije u Federaciji Bosne i Hercegovine, pokrenut Odlukom o pokretanju postupka javne nabavke, broj Sp-01-01/1-3310/22 od 21.12.2022. godine i objavom Obavještenja o nabavci na portalu javnih nabavki Bosne i Hercegovine, broj 1413-1-2-2-3-21/23 od 25.01.2023. godine, okončat će se zaključenjem okvirnog sporazuma sa ponuđačem BH Telecom DD Sarajevo.

II

Postupak iz tačke I ove odluke proveden je metodom „otvoreni postupak“, a za izbor najpovoljnijeg ponuđača korišten je kriterij „ekonomski najpovoljnija ponuda“.

III

U postupku nabavke iz tačke I ove odluke zaprimljena je jedna za ugovorni organ kvalifikovana i prihvatljiva ponuda, ponuđača BH TELECOM DD Sarajevo.

IV

Kao ekonomski najpovoljnija, a ujedno kvalifikovana i prihvatljiva ponuda, izabrana je ponuda, ponuđača BH Telecom DD Sarajevo, sa ukupno ostvarenih 100 bodova.

V

Izabrani ponuđač iz tačke IV ove Odluke, kao sastavni dio svoje ponude dostavio je sve dokaze o ispunjenosti uslova lične i ekonomsko-finansijske osposobljenosti a shodno izjavama datim u ponudi, te isti nema obavezu ugovornom organu nakon zaprimanja obavještenja o rezultatima postupka javne nabavke iste ponovno dostavljati.

VI

Po konačnosti ove Odluke, ugovorni organ će pozvati izabranog ponuđača radi zaključivanja okvirnog sporazuma kojim će se regulisati međusobna prava i obaveze vezane za predmetnu nabavku, shodno zahtjevima - uslovima navedenim u tenderskoj dokumentaciji i propisima koji regulišu isto.

VII

Ova Odluka stupa na snagu danom donošenja.

Obrazloženje

Sudska policija u Federaciji Bosne i Hercegovine provela je otvoreni postupak sa namjerom zaključenja okvirnog sporazuma za nabavku telekomunikacijskih usluga za potrebe Sudske policije u Federaciji Bosne i Hercegovine, pokrenut Odlukom o pokretanju postupka javne nabavke, broj Sp-01-3310/22 od 21.12.2022. godine i objavom Obavještenja o nabavci na portalu javnih nabavki Bosne i Hercegovine, broj 1413-1-2-2-3-21/23 od 25.01.2023. godine. Kriterij za izbor najpovoljnijeg ponuđača u predmetnom postupku nabavke bio je „ekonomski najpovoljnija ponuda“, bez planiranog provođenja e-Aukcije.

Iz Zapisnika o pregledu i ocjeni ponuda broj Sp-01-3310-19/22 od 15.02.2023. godine Komisije za javne nabavke, vidljivo je da je u predmetnom postupku nabavke dostavljena ukupno jedna formalno pravno ispravna, kvalifikovana i prihvatljiva ponuda, ponuđača, BH TELECOM DD Sarajevo koja je vrednovan sa ukupno 100 bodova.

Komisija za javne nabavke je na osnovu navedenog dala preporuku da se postupak nabavke telekomunikacijskih usluga za potrebe Sudske policije u Federaciji BiH, a uzimajući u obzir da je postupak proveden metodom „otvoreni postupak“, okonča u skladu sa članom 70. Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22), donošenjem Odluke o izboru ekonomski najpovoljnijeg ponuđača BH TELEKOM DD Sarajevo, sa ostvarenih ukupno 100 bodova.

Izabrani ponuđač, kao sastavni dio svoje ponude dostavio je sve dokaze o ispunjenosti uslova lične i ekonomsko-finansijske sposobnosti, te isti nema obavezu ugovornom organu nakon zaprimanja obavještenja o rezultatima postupka javne nabavke iste ponovno dostavljati.

Uvažavajući preporuku Komisije za javne nabavke, odlučeno je kao u dispozitivu ove Odluke.

Pouka o pravnom lijeku:

U skladu sa odredbom člana 99. i 101. stav (1) tačka d) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) protiv ove Odluke može se izjaviti žalba Uredu za razmatranje žalbi Bosne i Hercegovine putem ugovornog organa, u roku od 10 (slovima: deset) dana od dana prijema ove Odluke.

Dostaviti:

- „BH Telecom DD“ Sarajevo, putem elektronske pošte: elvedin.beridan@bhtelecom.ba;
- Kabinet direktora Sudske policije u Federaciji Bosne i Hercegovine (za web stranicu);
- a/a.



DIREKTOR
Glavni generalni inspektor sudske policije

Dženad Grošo, mr. iur.